

. bšumaihun d hiia rbia asuta uzakuta ušabiq haTaiia nihiulia Idilia

. ulab

. u`l`m

. u`l`m hurintia

. u`l zauai

. u`l ahai

. u`l ahai hurinia

. u`l šitlai

. u`l abahatai

hazin hu raza usidra uqarqalta d šuba kukbia d galilun uaprišlun manda d hiia barqa
d tibil u`hablun lhibil ušitil uanuš uhibil ušitil uanuš `hablun Irahmia
šumaihun uglilia Irazaihun ušiTuatun d šuba šibiahia ulliguTta qadqaita d lgaT
kiuan mn qudam kulhun kukbia d rugza mn bnia šurba rba d hiia kinta kan urušuma apak
uanba nbiha d kadba uSaliba d hšuka ramilun lkadpaiun d smalun umn bataiun
šbanun u`tahzilun badmu šliha uqra Inapšia maria mariuan alaha d mhauia gambaruata
b`šumia uarqa ušra lSaiamia uSaiamata mšauia gubria `zibia u`nšia `zibata ušria
`lauaihun ušakbia luataihun sahria udaiuia liliata mn `nšia hauin daiuia zikria
uliliata mn `nšia hauin daiuia zikria umn gubria hauin liliata nuqbata
ulagTia pagria ugaTlia umapqilun lnišmata mn pagriahin bla zibnaihun
umalpilun hukumta d kadba ubadmu dmuta d nhura midamin napšaihun umn šuth
d gabra nukraia nasbia drašia d karba daršia ubit razia abdia ubgauia sagdia uluat
hdadia šakbia uzira nasbia umia mn iardna brbita haditia hatiqia arbia ulagTia
lquramaian d kulhun bnia anašia ubadmu pihta d gabra nukraia abdia unišmatun
msakralun ukul minaihun d maiit bdma umTanuta umarganuta d mia siauia umiša ramilun
bpumh badmu tarmidia masiqta udukrana `l napšaihun abdia uqarin Inapšaihun
nbihia d kadba uiahiblun Sauma rba d arba iumia utmania iumia ud`srin iumia
bšidqa ubhamšin udšitin uhda iuma d Sauma iahiblun haslinun lbhiria zirqa
d `da d kiuan uruha umšiha ušuba šibiahia tištalaT `lauaihun uap anatan tarmidai
šlama `l nbihia latitnulin u`da minaihun latipišrun latipišTun aminTul
d lqudamia bpagriahun nišmatun Sauia uziraiun mn bit hiia mipsaq ukul tarmida
d šlama iahiblun rugza mn hiia mšauia `lh ha amarlkun lkiuan ulliguTta d lgaT mn
bnia šurba rba d hiia d nagdia kupna mn hiuia Sahin mia mn šušumana kd maitia
ruhaiun daika kd gimra giTma umaita nišmatun kd
gumria d nura ha amarilkun lkiuan ulliguTta d lgaT hu uligTth d lgaT misip
saiip liuma d sup umarlkun `l šamiš u`l ligTta d lgaT minh dilh hun iazuqaiia
ubdmu dilia gabra nukuraia napšaihun midamin ubursmaiun kd Salibia lkadpaiun
pakrilun ušuma d `šu dakria bdmu pihta umambuha dilh gabra nukraia uasrh
lagTia badmu masqata `ndruna mšauian umia unura napša `qara mšaulun udmita
aklia uamria d alaha giTlia uluat `maiun ubnatun šakbia ušidqa lagTia umania
d `nšia d daštaniata nasbia ulabšia umikasin uamria lamTanpinin ušiTuata
d napšaiun laiadia kd zauaiun šadia `lauaiun mn karsatin uamašlilin mn biria
šaba maqralin utinia d hiuaniata Taribin ubgapa mašigilun umn baba d iazuqaiia
napiq baba d iahuTaiia lhdadia usalqia hdadia gazria u`daiun banpaiun šaipia udma
d gzurta umia nasbia ubanpaiun Taria u`bidata d minh aklia umn hanatun zma
ramibh uqarin Inapšaihun iahuTaiia d hTun umaskilania d askil mn mata ruhaiun
bnura d iaqda qarilun mn iahuTaiia gziraiia baTlia kulhun amamia ubabia d hšuka
minaihun miTanpia umakairia d abad `bidatun lbit hiia lamitakšar d akil mn
`kiltun ainaihun nhura lahazia d abidlh Irahmutun muta tiniana maiit ana
`lkun amarna tarmidai umaprišnalkun

lkul Sbu maiit ana `lkun amarna lkul mindam d maititun mn šuqia ubiriata halil
 bmia uakul aminTil d lamhalil uakil lmana d barda mitnangar ha aprišnalkun
 lbaba d iahuTaiia `marlkun lbaba d libat kukbia d šanai mn kulhun kukbia d mina dila
 npaq gaura pirSa uzaniuta umina npaq tlatma ušitin zmaria uqalalia uhauian
 ruhia bišata umšauia puhria uzmaria uramin šibia bkul dukta umšauin Tablia ukinar
 ušiha ušibia uzmara iahbia lgibia d ruha d hinun talin Tablia bkadpaiun uzmara
 uambubia bpumaiun urugza rba mamlilibun u`nšia ugubria ururbia udirduqia
 bgauh mištahnia umištahria umipaTria ušiha labišlun ubhinga naplia humria
d nirag bdmu quph lkadpaiun iatbilun ubhinga mšarilun uksadqia d nura šadilun
 uharšia ušiha malbišnalun ubrazia ruita mištbin ulaiadia mahu d abdia tum npaq
 baba hurina d mnunaiia mitqrin uardia labšia uardia mksia uklilia d pirSa
 uzaniauta brišaihun matnalun hadiaiun mgalilin lšiTuata ušitTraiin primlin lqlala
 ušabilun lbnia anašia umakšilun umitqarian sada d gubria gabaria ukita mšagša alma
 bgauaihun dilun mitgaTlia umistakria uabdilh haršia lkulh kana d nišmata ulgubria
 šabilun mn baitaiun umn zauaiun umapqilun bharšia `ubadia sainia ubtasniqa
 rba šadilun umitaqrin gibia d ruha umšiha ušabin šibia ugarbin girbia ušumh
d mita dakria umaulia uzabna uargba uminSa napša mšauin kd maita ruhain mn
 qulalia upirSa ušušlata lanapqa umaitia muta tiniana uramin šiha uzmara d kadba
 ualmia udaria luataihun mištabin hinun lpumh d `ušana šaplia ha amarilkun lbaba
d libat ul`bidata d abrat balma u`l qudša ulšuba qudšia qadmaia amarnalun br
 iahuTaiia gaTlia umn zma nasbia ublhama apin ubikilta iahbilun udaštana uzaniuta
d zaniuta d ptulata bhamra Tarqin bkasa mašqilun uainaiun d bnia anašia lanaplia
 `lauaihun ulašabqilun d hazilun uapkilin l`bidata d gabra nukraia utigra barqa
 qabrin umia mn iardna ganbia ubnura salqilun ubtigra ramilun umahitilun lgubria
 u`l `nšia kd šlihia ubmia mamidilhun umn hanatun mia mašqilun ušuma d muta dakria
 `lauaiun šum aba ubra uruha d qudša mamidilhun ušumh d mšiha `lauaiun dakria
 utm hauia raza hurina d mitaqria qudša d atana d arbia ligria dukta d mištadar
 bainaiun hazilh umitaqria qudša msaiba d bgauh mistakar kula kana d nišmata
 uhauin ptulia uqadišia d zira `laTmaiun rmilun ubnaiun gaTlia bkarsauatun
 umitiqrin ptulia uqadišia d mabTin uqaimia bmaTarata hauin minaiun `blia
 u`bilata d hinun Tabia biama rba d sup uqarin lnapšaihun Tubania uTubaniata d mTaba
 nišmatun bhabara gahia tum hauia baba hurina d rišaihun gaidia ualaha d qurqsa
 naqšia usagdilh uba baitaiun Sairilun uhinun ubnaiun ubnatun sagdilun
 unaquša naqšia u`bidata d haršia uhukumta umasiliuta abdia uluat atuut
 bdaštana šakbia uqarilh sibra d bit alahuta d `šu mšiha maran uamarlun ruha
 latikairunh d laiit `sura `la`aikun tum amralun ruha kul d abdia abuia u`mh
 maitilh ubrh bukra d iaqirh sumnun bbaitaikun lbr minaikun latipqunh tum
 amarnalkun raza hurina kul pila supa ukatuliqa umatrapliTa upisquna uqašia
 ušamiša d maiit mn binataikun smuia bqlasa usgudaiun uSalun `lauaihun umn bit
 mazgidaikun latipquna uap d `lak kul d saiura usakla šahira d napiq mn
 binataikun d `lik ltihrata d mšiha sumuia bit madbha tum latikairunh `marlkun
 lbaba hurina `l qudša d bit mqadšia d iaqid blilbia umhabib bruiania d bnat
 anaša d šuba Tubania kanpia uluat `nta šakbia uzira šadiba uminaihun baTna
 uhaizak lihria šuba bmhita mahila lihria umapkila unasibila bšulith
d mh upirSh udaštanh umn muqrh mšauin miša d birkta hanath raza bmia salqalh
 umn girba mšauin mdudia d qudša hanath raza bgramka ubgulazta apin haršia
 ušiha šadibh umitiqria qudša d gumarta d iaqid blilbia uruiania kulman d minh
 akil anph lbithia lamazbar umn almia udaria kauia `marlkun lbaba hurina
d abdia bkana d nišmata d npaq minaiun `blia u`bilata tum bTura uaramata
 udaštata Taiin udmutaiun ldaiuia damia arTil šlihia umanzaihun lbarahia zakria
 udmutaihun saina mn lilia udahala mn gauh d habara gahia uqarilun nakriTia
d raiia d iaruqa aklin umn maukalata uTabauata šapirata d šauia ptahil bania šumia
 uarqa lamšalTia `l mikal uhaduta litlun ulašabqilun ruha umšiha d nihrubh balma

hazin udaiuia minaihun raTnia uamria d alaha minaian raTin uanin mn alaha
 lamitkamrinin uqarilun ltarmidia umpašqia malia umzabnia daulia d mia uamralun
 ltarmidia d šrara balma litlaikn tum Sauma ramilun lpumaiun d laništqil šumia
d gabra gTila mn binataihun uaqapra d mita nasbia ubkul `bidatun u`kiltun ram
 tum amar uapriš manda d hiia kul gabra naSraia d nakil `kilta d mšiha d iuma
d lagTia Sauma lmana d nura mitnangar tum kul gabra naSuraia d biuma qadmaia
d šidta haditia mia mn iardna nasib uminh ništia uanpia nimšia nihuia mna
 ruha umna mšiha umištakalun lšuba bmnauatun tum maprišnalkun tarmidai d hauia
 baba hurina d mn mšiha npaq d mitiqrin
 zandiqia umardmania d zira bTišia zaria umnata lhabara palgin u`nšia ugubria
 luat hdadia šakbia uzira nasbia ubhamra raminišmata mašqilun uamrin
 dakia hu uqarilh lziqa unura umia ušamiš usira mšabilun ukd maita ruhaiun damia
 ldidbia d iatbia lduda saliq hablia maTilun ušahlia ganpaiun umiTarpia unaplia
 umitiqrun gbita d mardmania gba kul gabra naSraia d nikul mn `kiltun napil
 biama rba d sup d amarilkun lruha umšiha ušuba qudšia qruia balma lkatura
 lakan d nišmata `marlkun `l baba hurina d qra bil nasbia taga umdabria malkuta
d minh npaq sipra d ruha ukul tibil umaita umitgTlia ldahba ukaspa gaTlia gaTla
 ušdia dma utarmidia bgauh mitgaTlia unaSuraia bgauh mištabin uialpilia
 lsipra d ruha ušatilun lma tahmia brabuta mištbin uSilmia uSibunia rahmin
 urahmilh lragagta d tibil uamria minh lanapqinin utibil labaTlia kul gabra bhira
 ušalmana d makisilun ridpa hambaga hauilh ana maprišnalkun tarmidai kul gabra
 naSuraia d agra uzirqa d iauar lSabunia nitin ututbia hiuara niSba udmutaiun
 nišania uziuh nalbiš unaqma qudamia nitamhia mhita bgu mhita lika d litlh saka
 umn nhura iaqra nitagzar unapil bmaTarta d šuba šibiahia ulbit abatur laniqrub tum
 kulman d nitib lSibunia `u rišia natna `lauaihun dina d ladina nidanunh uap anatan
 tarmidai lSilmia ulSibunia d hazin alma latihuilkun ragagta umn iauar kasia
 latitpisqun aminTul kul d atuāt d biardna Sb`ia ubrušuma d hiia ršima umania
d Siba labšia lmania d nura mitnangra gaTna nišmata kd zimta briša ušaialta
 ušargazta hauiala bmia siauia umaita tum asuta litlh amarnalkun lqala d qra bil
d kulhun rurbia urbutania bgauh mitgaTlia ulaTia b`daihun d nitparqun minaiun
 ubakin ualin umitašidin ukul ium abdia qraba uzma ašdia uhauilh ridpa lkulh kana
d nišmata ulšurba rba d hiia zban zban kabria `lauaihun uamria nasqinun mn
 alma hazin ulhama bsipa akliā kma d dara baSara bišuta kabra `lauaihun ukulhun
 amamia utaumia ulišania ldilun sagdia uap napša nišmata d mn šurba rba
d hiia d azlin ldilun hauin umn šumh d hiia kapria uldilia sagdia ubmanda d hiia
 saipiba uap babdala arbaia ubruha d qudša sahdia d glalun raza d muta uazlin
 ulšuma d hiia laiTilh ukul mTanputa umkairuta minaiun napqia ulšuma d hiia
 mkairilh kulman d mn šurbata rba d hiia hu ulabadla sagid ruha lamaška aminTul
d rušuma apik ušania lmana d barda migTil ap kul humria d npaq minh šuTa ušulTana
 `l abdia u`l amata d abdala šarin uqala ramibh uSaluta d zipa mSalin ulrqiha
 masqin uhdadia mdabria ulšuma d šibiahia mganilun unirig amarlun d laiit alaha
d minai dilia iaqir ugabir hu kul zban zban hirba usipa bqraba ugiTla ukupna
 uSurpana uqraba uridpa lahh ramilun utibil kulh barbia zauiata hu marguš kul
 ium ramia binataihun ukulhun nišmata d abdala kadšilun bhirba unura u`šata kul
 ium kul iuma ruha lbra napqa uminh d nirig qraba abdia uamralh ana `habilak ktaba
 umimra uraza d muta galilak u`hauilak šuTa ušulTana u`mra ušima uamarilak kulh
 nhura ldilak nidnia uamratlun lsagadak ha lginat `dania masqinalkun latra
d ainaikun msakialh umasqatlun l`šul titaita bšuta ušulTana ubdahba ukaspa
 mšabšatlun u`lšul titaita msaratlun ukabšit `lauaihun mana sada hlaSa umSara
 upkara ungada uamarilak lau amart d alaha gabara ana hu nhura mhauinalkun uap
 kulman mn bnia šurba rba d hiia hu d alip mn ialpanun umn siprun hu msaralh lhaka
 atra rba d hšuka tum d našira abdia ubisra d našira abdia gaTlia akliā nišmatun
 bhirba usipa mitnasbia kul `nšia d šimTia upatakata d dahba ukaspa mištbin

atutia dudia maitia muta tiniana ulbit hiia lasalqia ha aprišnalkun lbaba
d bil ul`bidata d abid balma tum maprišnalkun lsin ulqala d qra d minh hauin
 iahuTaiia iahTia unapSia hauia girbania ugarbaniata hu abadbia bišuta btibil
 kulh bgu mura d hu Tapia hu baSir hu marim hu mašpil hu mdalh hu msaria hu
 pasiq kilh hu mahrib šnia uabid bišuta biuma uiahria ušnia hu masTilia lkulh
 kana d nišmata unapqa humria qadišata uzaprata ušaria l'nšia ulgubria
 umitaqrin baiuazag usaiin mia hda kumra brišaihun maqmia uluata šakbia uziria
 šadibh hanath raza nasbilh ubkaka apilh ubmiSra naplia nasbia lhdadia iaman
 ulhdadia lamgalalin uap iahTia unapSia mkainalun kd zan d abdia abdilun ulgubria
 u'nšia mn haka raza akliia tum ruaha uasuta litlun uainaihun nhura lahazia ha
 amarilkun lbaba d qra sin ul`bidata d abid balma ulšituata d šaTia lkana d nišmata
d ašituia upalguia bmna mna hazin hu baba d auditinkun tarmidia ulšituata
d abid balma `markun lbaba d qra nirig d mitaqria abdala arbaia d minh dilia šaba
 dmauata d rugza d kana d nišmata bgauh mitgaTia utibil kulh atutia kursia mištpla
d minh dilia npaq šauTa ušulTana d akliia umalkuta mdabria hirba usipa šamTia udma
d bnia d adam ašdia ugarbin girbia ušabin šibia d lazban bdahbaiun ula`tanger
 bkaspaiun ulaqunun bqinianun ugazlun `bra mn `mia ugabra mn `nta ulaba mn bnia
 unasbia hailaiun hiltaiun ulamaTia b`daiun d aitpaSun minaiun bakia alia
 umitašdia kuliuma qraha abdia uzma ašdia hauia ridpa lkulh kana d nišmata ulšurba
 rba d hiia zban zban kabria `lauaihun uamria d nasrinun mn alma hazin ulhama bsipia
 akliia kma d dara baSra ubišuta kabra `lauaihun ukuhun amamia utaumia ulišania
 ldilun sagdia uap nišmata mn šurba rba d hiia ldilun hiia hauia umn šuma d hiia
 kapria uldilun sagdia bmanda d hiia saipibh uap babdala arbaia ubruha d qudša
 sahdibh d glilun razia d muta uazlin `l šuma d hiia laiTilia ukul mkairuta
 minh umiTanputa minaihun npaq ulšuma d hiia mkairulh kulman mn šurba rba d hiia hu
 azil larbaia sagid ruaha lamaška aminTul d rušuma apik lmana d barda mitgaTia ap
 kul humria d npaq minh šuTa ušulTana labdia uamata d abdala šarin uqala ramibh Sluta
d zipa mSalin ulrqiha masqin uluat hdadia mdabria ulšuba šibiahia mganilun
 unirig amarilun d laiit alaha d minh dilia iaqir ukabir hu kul zban hirba usipa
 uqraba ugaTla ukupna Surpana uqraba uridpa lahia ramilun ulh`tibil kulh marguš
 kulium ramia binataiun ukulhin nišmata d abdala arbaia `lh azlia ukadšilun
 bhirba unura u`šata kulium ukul iuma h`ruha lqraha napqia uminh d nirig ramim
 uamrilh ana `hablak kdaba umimra uraza d muta uglalak šuTa ušulTana u`mra ušima
d amarlak d kulh nhura ldilak nidna uamratlun lsagadak hu lginat `dania masqinalkun
 latra d ainaikun msakialh umsaratlh `l šiul titaita bšauTa ušulTana udahba ukaspa
 mšabšatlun ul`šul titaita ngada uamralak lau amart d alaha gabra ana hu nhura
 mahuinalkun umiša udupša maukilnalkun ulbušia rgigia malbišnalkun
 ukul busma iahbinalkun uTabuta maškitun ulaiit alaha d minh gabir u'nšia
d rgigia iahbitilkun hašta alma šabšit `lauaian mn sada hlaSa umSara upkara
 ungada udina ladina dainatlun uabdia d gabra nukraia d anin sipa šalapnin
 `lauaihun hašta slaqnin lalma `laia d nhura uanin haka psiqnin bhšuka umia
 siauia uruaha uTabuta lamaškinin uamarlun abdulia arbaia labdia ulbabia kulhun
d haimanubh kd ana šabištinkun bšibia rba utibil kulh ldilkun šauith šuTa
 ušulTana `hablkun ukulh alahuta atutaikun štpil ukulhun amamia utumia ulišania
 bgirba graubtinun ana uruha `m luat hdadia šbitinkun `mrit tihuilia `kilta liuma
 batraia l`ldilia ulqaduš rba d ab d minh huit ulab liuiatin ha hzun
d kulhun šibiahia haila kd dilkun lah balkun uabdaikun d šibiahia ahai
 bhailakun dilkun lamSun ušulTana kd dilkun lahualun hašta liuma rba d dina
 paršagna luatai litlaikun aminTul d alita udupša uakiltinkun uklila busma
 ubrihanian ubusmania `tpanaqtun ubalbušia iaquria asgitinkun dirkia d piTma
 šauitinkun hašta `niš mn `dai lampalaTlkun ulampariqlkun ulnhura lamasqilkun
 lbaba d kulhun šibiahia ulšituata kulhin aprištinkun uap mn `kaltaikun
 latiklun u`daikun bzma laniluša upuma d laSbia latinišqun umšabin hiia uhiia

zakin lkulhun `ubadia uzakia ama d naSuraiia uhiia zak`in
sa hazin raza usidra uqarqalta d šuba kukbia hu
sa

bšuma d hiia rbia `unian ab `unian udalian rba br rurbia abun br hiia . hazin
hu raza usidra d ziua d iaqid bgu mana d minh hun šambibia d ziua umn hun iardna
gauaiia minaihun umn hanatun iardna hua iardna rab kulhun iardnia mn hanath
iardna piršat unipqat niTupta rabtia kasita qadmaita d minh mara d rabuta rab
kulhun `utria abuhun d kulhun sabria d minh hua lhudaia rba zadiqa d minh hun
bnia prišaiia d hiia qadmaiia d qaimia btušbihta sagdia umšabia lhak mana rba
kabira uamarlun qum puq lpiriauis iardna ulgilia mia hašib uqrun bra hda d lasaipa
dmuth ulitbh hašabta hinila nhur Srik ušdiq ubasim udamia l`utria bnia nhura uma
d amarln mimra qam btušbihta usgid ušabuia uiatbuia uqaimuia uamrilh ma d amart
mqaima uqam unpaq `l piriauis iardna ulgilia mia hašib uqidiuia lhda bra
d lasaipa dmutia ulitbh hašabta lihdaia rba zadiqa d mn lihdaia rba zadiqa hua
hiia qiriuia bmamlalun u`tqaiam hašabta lmahu qrun uqam hiia qadmaiia sgid
ušabuia lhak mana rba kabira uamarlun hašibnin uqranin hda bra lihdaia rba zadiqa
d mn lihdaia rba zadiqa hua uamarlun `zil albišuiia `uSTlia d ziua ukasuiia
TarTabunia Tabia dakia d nhura uatun albišuiia `uSTlia d ziua ukasiuia
TarTabunia Tabia dakia d nhura uamarlun qum hzia abuk d iatib batria
uamarlun `ka d rab minaikun unapšalh almia d nhura liaminh ulsmalh qum hzia
škinta bgu škinta uamarlun haza škinta d anatun amartulia `lh haizak npaq
uata paruanqa d hu adakas malala šumia mn qudamia d mana rba kabira uamarlh manu
šumak šidqa nTir trin zibnia mšaiilh uamarlh manu šumak šidqa nTir tlata
zibnia mšaiilh uamarlh manu šumak amarlh ana hu rabia Talia lhudaia rba
zadiqa ligTia uhananh uailia uhauia škinta bgu škinta uhauia tilbunia rurbia
d kasia hzia Sauta d šanai ziuu uiaqir nhurh ubaiar umitaurab dmuth kd hzia haq
zha u`tazha unpal `l anph usgid ušaba haizak amarlh paruanqa d hu adkas ziua šumia
kulman d haza dmuta lbnia anašia nigalil d lašihia ulaška ulika d saka litlh
lnhura lanihizia d nikisia uninaTra lhaza dmuta ium bium nasqa unihizih latar
nhur umn Sautai dilia tišria `lh uamarlun rab ziua rabia Talia lparuanqa d hu
adakas malala šumia lziua d `lauia ziuia ulnhura d `lauia nhuria man d šqalia bluqia
mn ainh uksil bisra mn libia hin amrit lhiia abahatak amarlun d nihdun
b`uSraihun napšaihun bma d hzit haizak nhat uata uaškinun lhiia qadmaiia kd
iatbia bškinatun uamarlun hdun unhar b`uSraikun d napšaikun bma hzit haizak
amrilh hiia qadmaiia `l rabia Talia mahu hzit uamarlun hzit ziua d `lauia ziuia
unhura d `lauia nhuria hzit Sauta d šanai uiaqir nhura umraurab dmutia unapšilh
alip alip almia d nhura liaminh uruban ruban almia d nhura lsmalh uqam hiia
qadmaiia hinun uškinata d napšaihun `hablh buta utušbihta usliq qala ukaluza
luat mana rba kabira uhu mana rba kabira d šumia bhanath d alma d qala ukaluza uqam
qra alip alip almia d nhura liaminh uruban ruban almia d nhura lsmalh uamarlh
mana rba kabira lhak paruanqa d qaiim lqudamia d rabia Talia lia hu nibunh
lqudamia uamarlh hin amrin umqaima unpaq uata mn qudamia d malka d nhura uluat
hiia qadmaiia uamarlun rabia Talia lia hu lihdaia rba zadira lia asgia uamrilh
hiia qadmaiia asgia lalma d nhura hurinia d qria ulamtaqnia šadrunh uligTuia
`lauaihun d nitaqninun uamarlun nibunh bsarhabaiit uatiunia uligTuia uauluia
rudamia kd sigdit ušabith uamarlh brik atra d `tit minh umšaba umraurab umqaiam
gabra d `lak šihlak ušadrak ligTia bpras iaminh uasiq amTuia lqudamia d mana rba
kabira kd hiziiia hanania unišqia uamarlh `zil uamarlun lnaSuraiia d šbiqia
balmia d hšuka umia siauia kul gabra naSuraia d kušTa mn napšia nipšaT akuat mana
rba kabira d pšaT `da mn maSbuta d napšia kd Sauta lahuatlh hlaq umnaq bit hiia
latihuilh kul gabra naSuraia kd iatib upihta nišauia agzarta umhita ušiqupta mn
bit hiia tihuia `lh hinilh `npiš b`npiš niqum unišauia uiatir biatir nitab
unitanha umšabin hiia banhura d saka litlh uhiia zakin uzakia iauar ziua urahmh

sa